



Na osnovu člana 9. Zakona o kantonalnim ministarstvima i drugim tijelima kantonalne uprave ("Službene novine Hercegovacko-neretvanskog kantona" broj: 4/98, 1/02 i 4/07) i Odluke Vlade broj: 01-1-02-1006/19 od 22.5.2019. godine, Ministarstvo obrazovanja, nauke, kulture i sporta HNK, *objavljuje*

JAVNI POZIV

za predlaganje projekata iz oblasti KULTURE

radi sufinansiranja iz sredstava Ministarstva obrazovanja, nauke, kulture i sporta

Hercegovacko-neretvanskog kantona

I. Pravo učestvovanja

Pravo učestvovanja na Javnom pozivu imaju sva fizička lica koja imaju prepoznatljive rezultate u radu, pravne osobe, organizacije i udruženja građana koja su registrovana kod nadležne institucije u HNK, za obavljanje poslova iz tražene djelatnosti i koje nemaju smetnje za učestvovanje na Javnom pozivu. Prednost kod raspodjele sredstava imaju organizatori kulturnih događaja te društva i udruženja koja njeguju kulturnu tradiciju duže od 3 godine.

Korisnici sredstava iz Budžeta HNK za 2018. godinu za Ministarstvo obrazovanja, nauke, kulture i sporta s pozicije „Ostali izdaci za kulturu (po odluci Vlade)“, koji su putem Javnog poziva dobili novčana sredstva, a koji nisu dostavili Izvještaj o utrošku novčanih sredstava utvrđen Tačkom IV. Odluke 01-1-02-2663/18 od 22.11.2018. godine, ne mogu učestvovati u raspodjeli novčanih sredstava planiranih u 2019. godini sa pozicije „Ostali izdaci za kulturu (po odluci Vlade)“.

II. Obavezna dokumentacija:

- a. popunjen prijavni obrazac (obrazac se nalazi na web: www.monkshnk.gov.ba)
- b. kopija rješenja o upisu u registar nadležne institucije
- c. uvjerenje o poreskoj registraciji – identifikacioni broj, a za fizičko lice biografija sa dokumentacijom
- d. kopija ugovora s bankom ili potvrda od banke iz koje se vidi ko je vlasnik navedenog računa
- e. referenc lista
- f. projekat koji treba da sadrži: naziv projekta, opis projekta s ciljevima, indikatori učinka, broj učesnika, vrijeme trajanja, informacija o iznosu traženih sredstava, postignuti rezultati

III. Sredstva za realizaciju projekata iz oblasti kulture u iznosu od 220.000,00 KM dodijelit će se na osnovu bodovnih kriterija:

- stupanj doprinosa afirmaciji kulture područja HNK od 0 - 100 bodova
- afirmacija stvaralaštva mladih od 0 - 100 bodova
- afirmacija likovne, pozorišne, muzičko-scenske, plesne, muzejsko galerijske, bibliotečke i izdavačke djelatnosti, kulturno umjetničkog amaterizma, kulturno-historijskog i prirodnog nasljeđa od 0 - 100 bodova
- njegovanje tradicijsko-kulturnih vrijednosti od 0 - 100 bodova
- učesća i uspjesi na domaćim i međunarodnim smotrama i takmičenjima od 0 - 100 bodova
- organizatori kulturnih manifestacija međunarodnog karaktera od značaja za HNK od 0 - 300 bodova
- organizatori kulturnih manifestacija državnog nivoa od značaja za HNK od 0 - 200 bodova
- organizatori kulturnih manifestacija kantonalnog karaktera od značaja za HNK od 0 - 150 bodova
- kulturne manifestacije od značaja za HNK od 0 – 500 bodova
- prepoznatljivost rada i ostvarenih rezultata u medijima (printani, audio, video, linkovi,...) od 0 – 100 bodova
- za izuzetne uspjehe pojedinaca od 0 - 100 bodova

IV. Obrazac za prijavu na ovaj Javni poziv može se preuzeti na Protokolu Ministarstva obrazovanja, nauke, kulture i sporta HNK, na web stranici Vlade HNK: www.vlada-hnz-k.ba i na web stranici Ministarstva obrazovanja, nauke, kulture i sporta HNK: www.monkshnk.gov.ba.

Popunjene prijave s pratećom dokumentacijom, sa obaveznom napomenom „**Za Javni poziv iz oblasti kulture**“, dostaviti lično ili poštom na adresu:

**Ministarstvo obrazovanja, nauke, kulture i sporta HNK
Stjepana Radića br. 3.
88000 Mostar**

Nepotpune i nepravodobne prijave neće se uzimati u razmatranje.
Rok za podnošenje prijava je 15 dana od dana objavljivanja u dnevnim novinama.